

## **HARI RABU ABU A, B, C**

Yoel 2:12-18

Mazmur Tanggapan 50:3-6, 12-14.17.R.v.3

2 Korintus 5:20-6:2

Matius 6:1-6.16-18

### **Tema: BERTOBAT: “BERPALINGLAH DARI DOSA DAN PERCAYA KEPADA INJIL”**

1. Hari ini adalah Hari Rabu Abu; permulaan bagi musim Pra-Paskah. Pra Paskah adalah satu masa di mana kita membuat persediaan untuk merayakan Paskah. Paskah adalah satu masa di mana kita merayakan kematian dan kebangkitan Tuhan kita Yesus Kristus dan pencurahan Roh Kudus! Dalam kuasa Roh Kudus kita mati dan bangkit dengan Yesus Kristus kepada kehidupan yang baru dan kekal dari Paskah! Itulah mengapa setelah menerima pembaptisan, kita akan memperbaharui janji pembaptisan kita! Kita memperbaharui janji baptis kita setiap tahun kerana kita berbuat dosa setiap tahun! Pra Paskah adalah jadi musim *penance(sogit)*, satu masa untuk penebusan dosa dan bertobat! Pembacaan hari ini memberitahu kita tentang bertobat, iaitu, berpaling dari dosa, dan berbalik kepada Allah!

2. Pembacaan pertama adalah “panggilan kepada pertobatan”. Ia memberitahu kita untuk berbalik kepada Allah yang penuh kelembutan, penuh belas kasihan, lambat akan marah, penuh kemurahan hati, dan sedia untuk menjadi lembut hati; dan Tuhan akan memberkati engkau! Dan sesungguhnya, pembacaan pertama berakhir dengan memberitahu kita bahawa Allah mengasihani kita:

“Tetapi sekarang juga,” demikianlah firman Tuhan, “berbaliklah kepada-Ku dengan segenap hatimu, dengan berpuasa, menangis dan dengan mengaduh. Koyakkanlah hati mu dan jangan pakaian mu. berbaliklah kepada Tuhan, Allah mu, sebab Ia pengasih dan penyayang, panjang sabar dan berlimpah kasih setia, dan Ia menyesal kerana hukumanNya. Siapa tahu, mungkin Ia mahu berbalik dan meyesal, dan ditinggalkan-Nya berkat, menjadi korban sajian dan korban curahan bagi Tuhan, Allahmu.”

(YI 2:12-14/GNB)

“Tuhan menjadi cemburu kerana tanah-Nya, dan Ia belas kasihan kepada umat-Nya.” (YI 2:18/GNB)

3. Mazmur tanggapan mengikuti tema pembacaan pertama. Mazmur tanggapan adalah sebuah “doa penyesalan” (CSB). Bahagian pertama dan kedua dari Mazmur tanggapan (maz 50:12-13) memohon kepada Allah untuk mengampuni dosa kita, dan yang paling penting, bahagian ketiga dan keempat dari Mazmur tanggapan (Maz 50:14.17) memohon kepada Allah untuk memberi Roh Kudus-Nya supaya kita boleh berubah dan tidak berdosa lagi! (CSB/IBC) demikianlah sahutan mazmur: “ Kasihanilah kami ya Tuhan, sebab kami orang berdosa.”! (Maz 50:3)

4. Pembacaan kedua juga mengikuti tema hari ini, iaitu, bertobatlah! Pembacaan kedua memberitahu kita supaya berdamai dengan Tuhan Allah, sebab Allah telah mendamaikan

kita dengan-Nya melalui anak-Nya Yesus Kristus! Dan masa untuk berdamai adalah sekarang! Dalam kata lain, bertobatlah sekarang!

5. Injil memberitahu kita melakukan tiga perkara sepanjang musim Pra Paskah ini untuk membantu kita bertobat, iaitu, berdoa, berpuasa dan membantu orang miskin! *Penance (sogit)* bukanlah satu hukuman, tetapi satu cara untuk membantu kita bertobat!

6. Hari ini dalam Ekaristi, kita merayakan kematian dan kebangkitan Yesus Kristus, dan kita makan tubuh-Nya dan minum darah-Nya, dan Allah kita yang bangkit akan memberi kita Roh Kudus-Nya, untuk membantu kita untuk bertobat, iaitu, berpaling dari dosa dan berbalik kepada Allah!

7. Sekarang kita akan memberkati abu dan saya akan memberikan abu dengan mengatakan ayat pertobatan: “Bertobatlah dan percayalah kepada Injil”!

Sebagai peringatan bahawa Rabu Abu adalah hari untuk berpuasa dan berpantang, iaitu, sesiapa yang berumur 14 tahun ke atas haruslah berpantang dalam mengambil makanan seperti daging, dan sesiapa yang berumur 18 tahun ke atas, di bawah 60 tahun, harus berpuasa, iaitu, makan penuh sekali dalam sehari.

Sebagai peringatan juga, bahwa Hari Ahad/Minggu musim Pra Paskah adalah bukah hari *penance (sogit)* iaitu, kita tidak berpantang atau berpuasa pada hari Ahad/Minggu, walaupun dalam musim Pra Paskah; kerana hari Ahad/Minggu kita merayakan kebangkitan Tuhan kita! Selamat Pra Paskah kepada kamu semua!

Amin!

**Cadangan soalan untuk renungan pribadi, perkongsian dalam keluarga, dalam kumpulan kecil, dan komuniti kecil:**

1. Apa ‘*penance*’ untuk kamu ingin lakukan sepanjang musim Pra Paskah ini? Adakah *penance* tersebut sebagai satu hukuman kepada kamu atau membantu kamu untuk bertobat?
2. Adakah kamu mengamalkan *penance* dari diri sendiri atau mengamalkan *penance* dalam kumpulan ataupun dalam komuniti? Adakah kamu perlukan komuniti untuk membantu kamu mengamalkan *penance* kamu?
3. Gereja mewajibkan kita untuk berpuasa dan berpantang dari memakan daging hanya 2 kali dalam setahun (Rabu Abu dan Jumaat Agung). Adakah kamu berfikir, bahwa Gereja harus mewajibkan kita untuk berpuasa dan berpantang daging pada setiap hari jumaat?
4. Mengapa kita tidak berpuasa dan berpantang pada hari Ahad? Apa yang kita rayakan pada hari Ahad?
5. Apa yang dikatakan kepada kamu dalam “Doa Pembukaan Misa Kudus” hari ini: “Bapa di Syurga, cahaya kebenaran –Mu mengurniakan penglihatan yang gelap di mata pendosa. Semoga musim pertobatan ini membawa kami berkat pengampunan-Mu dan hadiah cahaya mu.”?
6. Apa yang dikatakan kepada mu dalam “Pemberkatan dan Pemberian Abu:
  - i) “Saudara dalam Kristus, marilah kita mohon kepada Bapa kita untuk memberkati Abu ini yang mana akan kita gunakan sebagai tanda pertobatan”?
  - ii) “Allah, berkatilah para pendosa ini yang memohon pengampunan dari –Mu dan berkatilah semua yang menerima Abu ini. Semoga mereka mengamalkan Musim Pra Paskah ini sebagai satu persediaan kepada kebahagian paskah.”?
  - iii) “bertobatlah dan percayalah kepada Injil”?.?
7. Apa yang dikatakan kepada kamu melalui “Doa Persembahan” dalam Misa Kudus hari ini: “ Tuhan, bantulah kami dalam menentang godaan dalam amal dan *penance* kami sepanjang musim Pra Paskah ini. Dari penderitaan ini semoga kami dapat merayakan kematian dan kebangkitan Yesus Kristus penyelamat kita dan bersih dari dosa dan baru dalam Roh”?
8. Adakah kami mempunyai pengalaman untuk dikongsikan bersama?
9. Apakah petikan dari pembacaan kedua ini katakan kepada kamu: Jadi kami ini adalah utusan-utusan Kristus, seakan-akan Allah menasihati kamu dengan perantaraan kami; dalam nama Kristus; kami meminta kepada mu; berilah dirimu didamaikan dengan Allah. Dia yang tidak mengenal dosa telah dibuat-Nya

menjadi dosa kerana kita, supaya dalam Dia kita dibenarkan oleh Allah. Sebab Allah berfirman: “Pada waktu Aku berkenan, aku akan mendengarkan engkau, dan pada hari aku menyelamatkan, Aku akan menolong engkau. Sesungguhnya, waktu ini adalah waktu perkenaan itu; sesungguhnya, hari ini adalah hari penyelamatan itu.”? (2 Kor 5:20.6-2)

10. i) Apakah petikan dari bahagian pertama dan kedua dalam Mazmur tanggapan ini katakan kepada kamu:

“Kasihanilah aku, ya Allah, menurut kasih setia-Mu, menurut besarnya rahmat-Mu, hapuskanlah kesalahan ku. Bersihkanlah aku seluruhnya dari kesalahanku, dan cucilah aku dari dosaku.” (Bahagian pertama)?

“Ku sadari pelanggaranku, dosaku selalu membayang dihadapan mataku terhadap Engkau, terhadap Engkaulah aku berdosa, yang jahat di hadapan-Mu kulakukan.” (bahagian kedua)?

11. ii) Apakah petikan dari bahagian ketiga dan keempat dalam Mazmur tanggapan ini katakan kepada kamu:

“Ciptakanlah hati murni bagiku, ya Allah, baharulah semangat tabah dalam batinku. Janganlah kau buang aku dari hadapan-Mu, janganlah kau ambil Roh-Mu yang kudus dariku.” (bahagian 3).

“Bangkitkanlah kembali padaku kegirangan kerana selamat yang dari pada-Mu, dan lengkapilah aku dengan roh yang rela!. Ya Tuhan, bukalah bibirku, supaya mulutku memberitakan puji-pujian kepada-Mu! (bahagian 4)?

12. Apakah yang dikatakan dalam sahutan Mazmur tanggapan kepada kamu:  
“Kasihanilah kami ya Tuhan, sebab kami orang berdosa.”? (Maz 50:3)

13. Baca dengan jelas tentang ayat yang menyentuh hati kamu hari ini: